

合其身頃刻之間復歸杳冥故大可悲哀大
 可痛傷我今語子當明正見了悟生死不為
 悲嘆一切冤尤俱得解脫永不為累故天地
 格法天地萬物父母恐於其中復有自究自
 哭致諸苦惱妄生惡業實非天地患難所鍾
 苦毒難忍呼於天俯叩於地而自悲傷稱
 其冤苦故天地為生真道一切奇方轉轉教
 人鍊魂陶魄而能生化然後可以自防而得
 小壽初無正道大智慧法通解要法與天地
 齊其長久與日月齊其明照與星辰隨其周
 運與劫數隨其輪轉雖得小壽亦無利益凡
 有形賦受於天地之間皆有磨滅況於人居
 天地之間七情六慾有以牽纏富貴得以驕
 忽自謂充足不知思慕真道貪賤自生怨恨
 反道輕身不生慚愧惟生惡業學道之人初
 乘智慧未達世機尚榮煩惱而有所求亦不
 肯力學真道善方自生輕忽而共生悔恨笑
 賤真道反以為邪偽但求小利以亂天道欺
 罔正真自致死地一切愚人皆知有死修治
 墳塚皆欲堅固不壞預修作死約製造凶服

以遺子孫用多置財寶以為威儀具備世俗
 可觀種種如法實無利益不思此身既死若
 復更生作何報對汝等若非聽受吾言亦應
 如是我於一切法中皆明正道示諸衆生隨
 緣應感不復貪着快樂自在而說偈曰

發一切心皆當盡意日六若畏若女日六須明妙本
 即於此時念念不逸是我弟子有道之人
 常行上行不處四惡不行邪慾不行一切
 種種諸業不見所有不見所無念道求法

靈秘經靈符

焚邪用巽風
 覆毒用巽風
 巽風用巽風

上清境靈秘經 終

上清境消魔經 第九

人之生世常知有歸生死周迴曾不休息譬
 如日出於東亦自西沉古今

帝王聖賢亦皆如是但於時時每思自重愛
 生畏死旦夕思念皆求異聞妄假殊方異術

以為延生反害其性敬事鬼神諂求餘福將
 以求福反以招禍應有道德之士託為祥瑞

自謂感動天地得延老壽可以度世萌此念
 願即生妄想信邪欺正自沉惡趣永不解悟

不修正道不明正因不遇善知識不斷惡根
 本不能深計遠慮自致憂惱昏亂不明如此

之事皆為反道害教造無邊罪不復懺悔是
 其邪說已回正道難入故能如是古者聖人

聰明大達以為天下萬世規模亦欲後世皆
 知邪道而能魔障善道故明智慧亦令一切

魔鬼皆悉消除俱闕正道而於利益不可思
 議當時亦出衆賢人俱會盛時講明法要實

為輔相洞明天地始終深窮往復輪迴不言
 人死復生之理不言生死異途亦不明言生

死去來不實言無生滅法要使得道者自達

玄機了生滅法而於智慧無有限量生滅之
理自然無畏一切種智普及後來如聞是法
亦皆得度無上至真要路登大法橋直超道
岸若復有人尊重正教具足智慧亦復如是
永除貪著魔王保舉上達

帝庭上及帝王得之則垂拱無為天下自治
賢者得之盡其孝悌忠信上輔其君安鎮國
祚災害不生妖孽永消百星常照禍星自滅
兵戈不起春瘟不行夏疫不作秋癘不興冬
瘡不侵風調雨順禾稼豐登一國男女欣樂
太平廣大徧滿無有窮盡更能精心奉持永
滅三塗五苦八難執符把籍直上玉京道遠
自在昇入朱宮鍊度身形名標紫策受命丹
霄五帝大魔諸天上仙三界魔王飛天神王
無量大神並乘恩宥成度妙法徧遊諸天共
保具舉飛昇上清而說偈曰
心發大願 作是福力 今及大報 亦當信念
自得高妙 真正妙法 得無量善 上道徧知
正念私善 令來衆生 行時常得 長本入妙
智慧具足 有相無相 最大智慧 離諸他念

消魔經靈符



上清境消魔經終

上清境無量經 第十

天地正統永除災難日月五星光明見曜此
民因而興盛各發善念迨夫人民驚浮時俗
態異自傷和氣天地與夫大怒日月星辰三
光失明天也戰鬪不和其驗則風雷不時傷
損物性各不發生兆民死傷陰陽氣戰鬪不
和五穀不熟水火失度災難並起夫陰與陽
本合相扶助共生和氣而反戰鬪我故明示
法要講說禳謝之因得免諸難俾令一切人
民皆知道本於是至真大神無執數衆一切

天真十方無極無量品聖衆咸皆稽首上白
天尊曰臣等未知正道深妙幸望大慈廣為
宣說敢問亢旱一切草木焦枯民困饑饉而
死是何異因

天尊曰夫亢旱之災乃是太陽失度六陽俱
恨因以為害也陽九之數一千八百年遇甲
為太陽九百六之數一千六百年遇申為大
百六陽九不過甲百六不過申不為災矣小
陽九一百八十年小百六一百六十年總運
甲申方為災矣若不甲申不為災矣敢問水
災。

天尊曰水是太陰失度六陰俱恨因為害也
皆同其數敢問火災
天尊曰火是火星躔度失次過所過分野下
為童謠美則為福惡則為凶下寅申巳亥位
主焚州縣津鎮下子午卯酉位主焚寺院宮
宇廟舍下辰戌丑未位主焚人民住居城市
山澤舟船於是大衆咸為啓請若有此厄如
何救度
天尊遂謂衆曰夫水旱火災皆因人民為善